

Arnat angutillu ajornatorsiornerminni qimarngusariaqalernerminnilu naligiinnerusumik sullinneqarsinnaanissaat siunertaralugu Nunatsinni qimarnguiit pisariaqartinneqarnerat aammalu kommunit allallu qimarnguinnik ingerlatsiumasut iluarsartuunneqarnissaannut periarfissaqartinneqarnissaannik misissuisoqarnissaa siunertaralugu qimarnguiit pillugit Naalakkersuisut misissuinermik ingerlatsinissaannik Inatsisartut aalajangiiffigisaattut siunnersuut.

(Ilaqutariinnermut, Inatsisinillu Atuutitsinnermut Naalakkersuisoq)

Akissuteqaat

(Ilaqutariinnermut, Inatsisinillu Atuutitsinnermut Naalakkersuisoq)

Aappassaaneerpeqarnera

Siullermik Naalakkersuisut sinnerlugit ataatsimiititaliap siunnersuummik suliarinnilluarsimanerannik qujassuteqarfigerusuppakka.

Ataatsimiititaliap qimarnguinni pitsaanerusumik sulisoqarnikkut aaqqiisoqarnissaa ujartuiffigivaa. Soorlu siusinnerusukkut oqaatigisimagiga, Maryp Aningaasaateqarfia suleqatigalugu ukiuni pingasuni aggersuni suliniuteqartoqarnissaa innersuussutigissagavara. Tamatumani ilanngullugu suliniutigineqassamat qimarnguinni pisortanik sulisunillu sukumiisumik piginnaanngorsaasoqarnissaa siunertaralugu suliniuteqartoqarnissaa aallartisarneqalereersimammat. Tamatumani aamma akiorniarneqassalluni aapparisanik persutaasarnermut tunngatillugu eqqugaasimasut ikiorserneqarnerusalernissaat, aammattaarli meeqqat inuusuttuaqqallu angerlarsimaffigisaminni misigisaqapilutsinneqarsimasut ikiorsiivigineqartarnissaat.

Ataatsimiititaliap ilanngullugu apeqquteqaatigisimavaa, iliuuseqaatit suut aqcutigalugit persutagaasarnerp malunnaatilimmik akiorniarnerani aqcutissatut isigineqarnersut. Naalakkersuisut tamatumunnga tunngatillugu isumaqarput, persuttaasarnarit akiorniarneranni persutagaasimasut qanoq ikiorserneqartariaqarnerat salliullugu suliniuteqartoqartariaqartoq – tamatumani aamma meeqqat inuusuttuaqqallu persutagaasimanermik isiginnittuusimasut katsorsaasarnerni isiginiarneqartarnissaat saneqqunneqarsinnaanngitsoq. Ilisimatuussuttitigut misissuisimanerit takutissimavaat, meeqqat inuusuttuaqqallu angerlarsimaffigisaminni persuttaasarnernik toraagaqartarsimasut, aamma taakkuummata inersimasunngoraanngamik taamatut pissuseqaqqajaanerusinnaasartut. Taamaattumik Naalakkersuisut qularutiginnilaat, nuna tamakkerlugu qimarnguittut katsorsaassarfittullu pilersinniarneqartoq ilorraap tungaannut alloriarnerusoq, tamatumuunani aqcutissiuunniarneqarmat siunissami inuujumaartussaata toqqissillutik inooqataasarsinnaasarnissaat. Taamatuttaaq Naalakkersuisut ataatsimiititaliap kissaateqarnerat isumaqatigivaat, tamatumani oqariartuutigineqarmat persuttaasuusimasut katsorsarneqartarnissaat siunertaralugu neqeroorutaasinnaasunik pilersitsisoqartariaqartoq. Tamannami aamma 2014-miit 2017-mut persuttaasarneq akiorniarlugu Naalakkersuisut iliuuseqaatissatut pilersaarusiaanut ilaatinneqareerpoq.

Ataatsimiititaliap ilanngullugu nalunaarusiamik ujartuippit, qanoq iliornikkut ineqarnermut inatsisit toqqammavigalugit persuttaasartut angerlarsimaffimmiit qimagutsipallanneqartarsinnaasarnissaat aqcutissiuunneqarsinnaanersoq. Tassami massakkut ineqarnermut inatsisit toqqammavigalugit imaasiinnarlugit persuttaasartut qimagutsinneqartarsinnaasarnissaat ajornarmat.

Naalackersuisut persuttaasarneq pillugu 2014-2017-llu akornanni iliuuseqaatiginiakkani 18-i innersuussutigalugu (Qimaguttitsineq qanilleqqusaannginnerluunniit), tamatumanilu innersuussutigeqqillugit Folketingip qanilleqqusaannginneq qimagusimatitsinerlu pillugit 2012-mi aalajangersaavigisimasai innersuussutigalugit, tamakku suliniutaapput persuttaasarnerup akiorniarnernani aqcutissat ilaattut, tamakkuli aamma Inatsisartunut persuttaasarnerup akiorniarneqarneranut atatillugu saqqummiunneqalersaarput Naalackersuisunit ilisimatitsissutigissavarput.

Persuttaaneqarsimasup illersorniarnernanut tunngatillugu pingaaruteqarpoq isiginiassallugit qanilleqqusaannginnermut, qimaguttitsinermut aammalu aalajangersimasumi najugaqaqqusaannginnermut atatillugu iliuuseqaatiginiakkat pineqartumut illersuutaasussaassammata. Tamatuma aamma pitsaaqqutigivaa persuttagaasimasooq periarfissinneqassammat najugaqarfigisimasaminniinnarnissamut, tassami taamatut pisoqartillugu persuttaasuusimasooq peersinneqartussaassammat.

Suliniut ”Oqaloqatiginneq, angerlarsimaffimmi perullulioartarnerit pinaveersaarniarlugit” eqqarsaatigalugu suliniutip nunarput tamakkerlugu siammarterneqarnissaa eqqarsaatigalugu politiit akissuteqarnissaat Naalackersuisunit utaqqineqarpoq. Tusagaqarniarutta Ilaqutariinnermut Peqqinnissamullu Ataatsimiititaliamut ingerlatikkumaarparput.

Ilaqutariinnermut Peqqinnissamullu Ataatsimiititaliap suliarilluakkamik isumaliutissiissutaanut Naalackersuisut qujapput, misissuinerillu inerneri siunissami suliniutissanut tunngaviliisussat qilanaarluta utaqqissavagut.